

TEZAUUR LITURGIC

26 IANUARIE

**ACATISTUL
SF. REGE
DAVID IV
ZIDITORUL
AL GEORGIEI**



TBILISI, 2000



დაუჯდომელი საგალობელი წმიდისა კეთილმსახურისა მეფისა დავით აღმაშენებლისა

კონდაკი 1

ზესთამბრძოლსა უძლეველსა და შემწესა
ურცხვენელსა კეთილმსახურებისასა ერნი სამწყსოჲსა
შენისანი აღგძრავთ ღმრთისა მიმართ მწედ და
შუამდგომელად, ხოლო შენ ნუ დაიდუმებ ოხად
წინაშემისსა, რადთა მოგუმადლოს ჩუენ ძლევად
მტერთა და საცთურთა ზედა და გზასა მას მცნებათა
თუსთასა წარგვიმართოს მოსავთა შენთა და
მაქებელთა: გიხაროდენ, მახვლო მესიისაო და ხატო
ქართველთა ძლევამოსილებისაო, კეთილმსახურო
მეფეო დავით!

იკოსი 1

ზეგარდამო ძლევისა მომლებელმან მტერთა და
ორგულთა ზედა საკვრველად დაიცევ სამწყსოჲ შენი
ყოველთა ჭირთა და ურვათაგან, ხოლო აწ იხილე
ურიცხუთა მტერთა საფრჯენი მოწევნულნი ბოროტად
ნათესავსა ამას ჩუენსა ზედა და ევედრე
ყოვლადძლიერსა ღმერთსა, დაამხუას მბრძოლნი და
მაჭირვებელნი ჩუენნი, რომელნი მტრობენ ღუაწლ-

დიდებულსა ერსა შენსა, რადთა არა ჰსთქუან, სადა არს ღმერთი მათი, რომლისა მიმართ აქუთ სასოებად, და გარე წარგუჯადოს განსაცდელნი და ეშმაკთა კუეთებანი შემსხმელთა შენთა და მაქებელთა:

გიხაროდენ, იესეს ნერგო, ძეო დავითისაო, მსგავსად მისა ძლიერებისა რქითა ცხებულო;

გიხაროდენ, ძირთაგან ღმრთისმსახურთა მათ ბაგრატოვანთა მეფეთაგან აღმომორჩებულო;

გიხაროდენ, ხეო ნაყოფ-ბრწყინვალეო, ივერიასა შინა აღმოცენებულო;

გიხაროდენ, დავით - რჩეულო ღმრთისაო, განწმედისათჳს ერისა შენისა და გაძლიერებისათჳს იბერიისა ზეგარდამო მოწოდებულო;

გიხაროდენ, ღმრთივ-მქადაგებელო სარწმუნოო, სულისა წმიდისა მიერ მეტყუელო და დიდისა ანტონისაებრ სიწმიდისა მომგებელო;

გიხაროდენ, ღმრთისა მიერ მეფედ მართლად და მკედრად რჩეულად კურთხეულო და ქალწულ-წმიდისა წილხდომილისა ერისათჳს მონიჭებულო;

გიხაროდენ, მეფე-ხუცესო და ფილოსოფოსო ბრძენო - მოსწსებრითა სიმშვიდითა აღვსებულო;

გიხაროდენ, მეფე-მკედარო და მოძლუარო, სულიერითა სიმაღლითა და სიბრძნითა თავსა ყოვლისა სწავლულებისასა მიწევნულო;

გიხაროდენ, მწყემსო მღვდარეო, ჟამთა მათ

უსჯულოთა ზეობისასა გამოჩინებულო;
გიხაროდენ, კაცთმოყუარებითა განბრწყინვებულო და
საქმითა მართლმადიდებლობისადათა განდიდებულო;
გიხაროდენ, მახვილითა მხილებისადათა და შეწევნითა
ბრძოლისადათა საზეპუროსა ერსა ზედა
დადგინებულო;
გიხაროდენ, მამულისა ვენახისა კურთხეულისა
მუშაკო დაუცხრომელო, დღისა მის სიმძიმისა
მტკრთველო და შენდა მოცემულისა ტალანტისა
აღმაორძინებელო;
გიხაროდენ, მახვლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 2

სიყრმითგან წარემატე ჰასაკითა სწორთა შენთა
სწავლითა და სიყუარულითა ღმრთისადათა, და
მარადის განმსჭვალულ იყავ რაღა ლოცვითა, მოგეცა
შენ სიბრძნე სულისაგან წმიდისა, და აღმატებული
ნიჭი დაფარულთა ხილვისადა, აწ ჩუენცა გვექმენ
წინამძღუარ ცხორებისა და მეოხად ქრისტესს მიმართ,
მაცხოვრისა ჩუენისა, რადათა მოგვიტევენეს მან ბრალნი
და უსჯულოებანი ჩუენნი და დღესა მას
განკითხვისასა ღირს-ვიქმნნეთ დიდებასა მისსა:
აღილუია.

იკოსი 2

იქმენ რაჲ ათექუსმეტისა წლისა, ცხებულ-გყვეს ქუთათისსა და დაგადგეს გზრგზნი ჭაბუკსა შუენიერსა, ვითარცა სიბრძნითა და მკნეობითა ყოველთა აღმატებულსა, რამეთუ ეგულეობდათ შენ მიერ განრინებაჲ ერისაჲ ურიცხუთა მტერთაგან, ხოლო შენ ხედვიდი რაჲ ოხრებასა მამულისასა, შემოიკრიბე სპანი ერთგულნი და დაუცხრომელად წურთნიდი მკნეთა მეომართა, განამზადებდი რაჲ მკედრობასა განწყობად ბრძოლისა და იწყე შემუსრვად მომხდურისა, ამისთჳსცა აღიდრვის ენაჲ ჩუენი ქებად ბრწყინვალისა ღუაწლისა შენისა:

გიხაროდენ, გიორგი ჭყონდიდელისა მიერ სიტყუთა სარწმუნოებისაჲთა და კეთილითა მოძღურებითა აღზრდილო;

გიხაროდენ, ჰასაკსა-ვე სიჭაბუკისასა მკცოვანებრივისა სიბრძნისა მომპოვნებელო;

გიხაროდენ, წვრთითა საღმრთოთა წერილთაჲთა გონებისა შენისა განმწმედელო;

გიხაროდენ, ბრძენთაგან და მეცნიერთა მიერ დაფარულისა შემმეცნებელო;

გიხაროდენ, დავით წინაღსწარმეტყუელისაებრ მოწყალებისა და სიმშჳდისა მომხვეჭელო;

გიხაროდენ, მაცთურისა დიდებისა და საფრჯეთა

მისთა ლოცვითა და ფსალმუნებითა დამშრეტელო;
გიხაროდენ, სასოებითა საუფლოდთა და სიმჴნითა
ქრისტჳსმოყუარისა მჴედრობისა შენისა
განმაძლიერებელო;
გიხაროდენ, მრავლით ჟამითგან უმჴულოთაგან
ზარგანხდილთა ივერიელთა სულითა
განმამჴნობელო;
გიხაროდენ, საეშმაკოთა სიმღერათა და ღმრთის-
საძულელთა გინებათა ლაშქართა შინა თჳსთა
აღმკვეთელო;
გიხაროდენ, წინაპართა სამამაცოდსა ზნისა
აღმაორძინებელო;
გიხაროდენ, წყობათა შინა მჴნეთა მოლაშქრეთა
შემყვარებელო და ჯაბანთა განმკიცხველო;
გიხაროდენ, ერთგულთა და ახოვანთა, ნაცვლად
ორგულთა და უღირსთა განმადიდებელო;
გიხაროდენ, მახზლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 3

აღზრდილი სიყრმითგან მართლმადიდებლობისა
დიდთა მოძღვართაგან არა მიიდრიკე გემოვნებათა
მიმართ და განცხრომათა, არამედ ევლტოდე გულის
თქუმათა სიჭაბუკისათა, და მიისწრაფდი ყოვლისა
მიმართ საქმისა კეთილისა, ეგრეთვე აწ ერი ჩუენი

იქსენ ოხითა შენითა, და განგვიმრავლნე ერის-
მძღუარნი, შემკობილნი საქმითა და სიტყვითა, რადთა
შენებრ ღირსებითა და სიმართლითა ემსახურონ
წმიდასა ეკლესიასა და ერსა, და გზასა მას ჭეშმარიტსა
მსრბოლნი მარადის ადიდებდენ ღმერთსა: ალილუია.

იკოსი 3

ჭაბუკმან, ვითარცა მკცოვანმან და ბრძენმან უწინარეს
ყოველთა გულის-გმა ყავ საქმე, რომლითა
მოიმადლებდი ფრიად განრისხებულსა ღმერთსა,
რამეთუ უღირსთა და უწესოთა დაეპყრნეს
საეპისკოპოსონი, და ერსა უსჯულოებასა ასწავებდენ
ნაცვლად სჯულისა, ხოლო შენ მაძლითა
ღმრთისადათა და კურთხევითა მოძღურისა შენისადათა
შეკრიბნე ღმრთივსულიერნი მამანი და სჯულისა
მეცნიერნი რუის-ურბნისსა, სადა იგი განკურნეთ
დიდნი წყლულებანი ერისა და განაჩინეთ
ძეგლისწერად კრებისა, ეგრეთვე აწ მგელნი
მტაცებელნი, სამწყსოთა გარე მოადგეს სიტყვერთა
ცხოვართა შენთა განხრწნად და ბოროტად იღუწიან,
რადთა განაშორონ გზისაგან წრფელისა და უცხო-ჰყონ
სარწმუნოებისაგან, გარნა შენ მეოხ-გვეყავ წინაშე
ღმრთისა, მოგვკვლინნეს ბრძენნი წინამძღუარნი და
მასწავლელნი საღმრთოდსა სიტყვსა, რადთა დასდვან
თავი შეუგინებლობისათვის სჯულისა და ერისათვის,

და გნატრიდენ შენ განბრძნობილნი ჭეშმარიტებითა:
გიხაროდენ, არსენ ბერისა და კრებისა მის
წინამძღურისა, იოანე ქართლის კათალიკოზისა თანა
საეკლესიოთა საკითხთა გამომეძიებელო და დრკუდსა
განმგდებელო;

გიხაროდენ, ქადაგებისა და სწავლისათჳს შვიდთა
მსოფლიოთა კრებათა კანონთა ერთად შემომკრებო;

გიხაროდენ, წარსამართებელად მეფობისა თჳსისა
ქუეყანასა შინა შენსა დათესილისა ღუარძლისა
აღმომფხურელო;

გიხაროდენ, სამღდელოთა და ყოველთა კაცთა
წესიერებად და სათნოებათა მიმართ წარმმართველო;

გიხაროდენ, ქუეყანასა შენსა ზედა სიწმიდისა და
ღმრთისა მადლისა განმფენელო;

გიხაროდენ, ეკლესიისა ქუაბ-ავაზაკთაგან
განმწმედელო;

გიხაროდენ, სარწმუნოებითა მტკიცითა უღმრთობისა
წყვდიადისა განმფანტველო;

გიხაროდენ, წყალობისა ღირსთა შემწყალებელო და
უწესოდ მქცეველთა ეპისკოპოსთა უდაბნოთა შინა
განმაწესებელო;

გიხაროდენ, მონასტერთა შინა მოღვაწეთა მაღალ-
ღირსთა მამათა ეპისკოპოსად მომწოდებელო;

გიხაროდენ, სასყიდლით დადგინებულთა მწყემსთა
წილ ჭეშმარიტთა მწყემსთა და სათნოთა ღმრთისათა

დამდგენელო;

გიხაროდენ, მძლავრთა ამპარტავნებისა და ეშმაკისა
საცთურისა დამთრგუნველო;

გიხაროდენ, სიმდიდრითა და მკლავითა თუსითა
მოქადულთა და სიმრავლესა ზედა ერისასა

აღზუავებულთა შემრისხველო;

გიხაროდენ, მახზლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 4

ვითარცა ძველნი მატიანენი გვაუწყებენ, არავინ
ყოფილ არს მეფეთა ჩუენთაგანი მსგავს შენდა, ჰ,
მუშაკო საკვრველო, რომელი ეგე შემკობილ იყავ
სიქუელითა და ყოვლითავე კეთილად-მსახურებითა,
სიბილწისა ვერ დამთმენელი და ფრიად მოყუარწ
მოყუასისაჲ, უსჯულოებისათჳს ამხილებდი
საცთურისა ვერდამთმენელთა და ასწავებდი
დამარხვად მცნებათა ღმრთისათა, რადთა ყოველნი
სიწმიდითა მსახურებდენ და უგალობდენ ღმერთსა:
ალილუია.

იკოსი 4

თავს-იდევ რად წყობათა წინამძღურობაჲ და განგებაჲ
მეფობისაჲ, ბაგრატოვანთა შორის უფროდს
აღმატებული და უმჯნესი ყოველთა მეფეთასა

უძლოდი შენ ქართველთა, ვითარცა მოსწ ისრაელთა,
და ფიცხელთა მათ ბრძოლათა შინა არა შორით
უზახებდი სპათა თვსთა, არამედ მინდობილი
საჭურველსა უძლეველსა, ნიშნა ჯუარისასა, თვთ წინა
უვიდლოდი და განამწნობდი, და მკლავითა მტკიცითა
გოლიათებრ დაამწობდი ახოვანთა, ამისთვსცა
ვითხოვთ შენ მიერ ღმრთისაგან წყალობასა, რადთა
მოგვცეს ჩუენ სიმწნწ, სიბრძნწ და ძლიერებად
დათრგუნვად მანქანებათა მტერისადთა და
განსაცდელთაგან ვსნად მოგვმადლოს შემსხმელთა
შენთა და მგალობელთა:

გიხაროდენ, ღირსად საქებელო მოწაფეო
ღმრთივსათნოდსა მის მოძღურისა - არსენ
იყალთოელისაო;

გიხაროდენ, წინამძღუარო ღმრთისმოსავობისაო,
მსგავსად ელიადსა განმამტკიცებელო დამცრობილისა
სარწმუნოებისაო;

გიხაროდენ, მასწავლელო უზაკველისა და
შეურყეველისა ჭეშმარიტებისაო;

გიხაროდენ, ბრძენო ქადაგო მოციქულთა და მამათა
დოგმატისაო;

გიხაროდენ, ახოვანო ქადაგო
მართლმადიდებლობისაო და სიმტკიცეო ეკლესიისაო;

გიხაროდენ, ორღანო სიბრძნისაო და სიმართლისაო;

გიხაროდენ, უშურველო წყაროო წყალობისაო და

საუნჯეო სახიერებისაო;
გიხაროდენ, შეურყეველო გოდოლო სიმჯნისაო;
გიხაროდენ, უბრძოლველო სუეტო მამაცობისაო;
გიხაროდენ, ზეციერთა მადლითა განბრწყინვებულო
მართლმსაჯულო ერისა რჩეულისაო;
გიხაროდენ, ორლესულო მახვილო უფლისაო,
განმგმერელო ურწმუნოებისაო;
გიხაროდენ, დიდებაო და ძლიერებაო მამულისა
ჩუენისაო;
გიხაროდენ, მახზლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 5

მოხედნა ღმერთმან წყალობითა ქართველთა ერსა, და
მოჰმადლა რაჲ ჯელმწიფებაჲ შენი, ჟამითი-ჟამად
მოგცემდა ძლევათა საკვრველთა, ხოლო შენ
რჩეულთა მკედრობითა სძლევდი მტერთა და
ორგულთა და აღაშენე და განამაგრე ციხენი და
ქალაქნი უბრძოლველნი მშუდობით დაცვისათჳს ერთა
თჳსთა, აწცა ევედრე ღმერთსა: დაჯსნას მძლავრებაჲ
ხილულთა და უხილავთა მტერთა ჩუენთა, რადთა
ყოველთა მართლმადიდებელთა კეთილად
განგუემარჯვოს და ლოცვაჲ ჩუენი აღიწიოს წინაშე
ღმრთისა: აღილუია.

იკოსი 5

ჩამოდგა რაჲ ტაოს დიდი თურქობაჲ, ჩვეულებისაებრ მათისა მიენდვნეს ზამთრის სიფიცხესა და მათათა მათ შეუვალთა, გარნა გაქუნდა რაჲ ღმრთისა მიერ უძლეველი იგი ძალი, წინა წარუძელ ლაშქარსა და დაესხ რაჲ უშიშად მსხდომარეთა, მახვლითა შურსა ეძიებდი უღმრთოთაგან და ტყვეობასა და აღსპობასა განარინებდი ერსა ქართველთასა, ხოლო ღვაწლითა შენითა აღორძინდა რაჲ სამეფოდ შენი, სრულიად კრებული სამღდელოთა და ერთად სიხარულითა გაქებდა და გნატრიდა შენ, ვითარცა დიდსა მეფესა და ძლიერსა თვთ-მპყრობელსა:

გიხაროდენ, რჩეულო ჭურო სათნოებათაო და სავანეო კეთილთა საქმეთაო;

გიხაროდენ, ერთ-ზრახვად, და ერთ-სულად შემკვრელო თარგამოსიანთა ერთაო;

გიხაროდენ, სულითა ახოვანო, მძლეველო ჯორციელად ძლიერთაო;

გიხაროდენ, წინამძღოლო და ჯუარისმტვრთველო ივერიელთაო;

გიხაროდენ, გვრგვნო და დიდებაო ბაგრატოვანთა მეფეთაო;

გიხაროდენ, პორფირო, მფარველო ქრისტესმოყუარეთა კელმწიფეთაო;

გიხაროდენ, სიმამაცითა შენითა მარცხვენელო
უსჯულოთაო;
გიხაროდენ, უმეტეს ყოველთა საშიშად საზარელო
მტერთა და ორგულთაო;
გიხაროდენ, მიურულებელო მცველო და
ნუგეშინისმცემელო მოსავთა შენთაო;
გიხაროდენ, შემწეო და შესავედრებელო
მართლმადიდებელთაო;
გიხაროდენ, წინამძღუარო და ლამპარო ერისა და
მამულისათჳს დამაშურალთაო;
გიხაროდენ ქართველთა მზეო, ივერთა ეკლესიის
სიმაღლესა ზედა მნთებარეო;
გიხაროდენ, მახვლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 6

უცხოჲ და საკვრველ არს ლუაწლი შენი, დიდო მეფეო,
რამეთუ მრავალი საყდარი და მონასტერი აღაშენე და
აღავსნე წყალობითა დიდითა, არა მხოლოჲ თჳსთა
ოდენ სამეფოთა, არამედ ყოველთა წმიდათა
ადგილთა, ხოლო წარავლინე რაჲ არსენ იყალთოელი
პალესტინეს დიდითა საფასითა, ახლად აღშენებად
და შემკობად ჯუარის მონასტრისა და უფროდს
უფლისა ჩუენისა იესუ ქრისტჳს საფლავისა, კუალად
მოიქცა საქართველოდვე, და დღითი დღე ილუწიდი

სადიდებელად ღმრთისა და უგალობდით ძალსა და ძლიერებასა მისსა: ალილუია.

იკოსი 6

მართლმადიდებელთა იქმენ სიმტკიცე და ნიჭნი გულისკმის-ყოფისანი მოიხუეჟე რად ლოცვითა მკურვალითა, არცალა გარდახვედ შენ გზისაგან სიმართლისა და ჭეშმარიტებისა, არამედ სულისა სიწრფელითა მიემსგავსე რად ნათესავსა შენსა დავითს, მეფესა ისრაელისასა, შემუსრვილითა გულითა ღირს იქმენ მოღებად მადლსა მას სინანულისასა მსგავსად მისა, რამეთუ სიბრძნითა ზეგარდამოძთა აღვსილმან საფუძველად მტკიცედ და შეურყეველად ხატად სიმდაბლისა შეგვიქმენ „გალობანი სინანულისანი“, რომლისა მიერ გვიჩვენე ღმრთისად მიმყვანებელი გზად იგი ჯსნისად და ცხორებისად, რადთა განემორნეს ყოველი სილაღე და ამპარტავნება დაბნელებულისაგან გონებისა ჩემისა, და მღვძარებისა მომგებელი ვიტყოდე წადიერებითა:

გიხაროდენ, დავით წინაღსწარმეტყუელისაებრ მოწყალებისა და სიმშვიდისა მომხვეჭელო;

გიხაროდენ, დაფარულისა საიდუმლოდსა, ვითარცა ცხადად მხედველო;

გიხაროდენ, სამწყსოთა თვსთა თუალ-უხუავითა მით ბჭობითა განმსჯელო;

გიხაროდენ, წარწყმედელისა უდებებისაგან ერისა
შენისა გამომკსნელო;

გიხაროდენ, ქრისტწსმიერისა სიმდაბლისა ნათლისა
სამოსელისაებრ შემოსველო;

გიხაროდენ, სამართლად მონაგებისაგან გლახაკთათვს
დღითი-დღე მოწყალებისა ფარულად მიმცემელო;

გიხაროდენ, დავრდომილთა კელის აღმკყრობელო და
ქურივთა და ობოლთა გამომზრდელო;

გიხაროდენ, ტყუეთა გამომკსნელო და უძლურთა
სარწმუნოებითა განმადლიერებელო;

გიხაროდენ, ქსენონთა და სამზრუნველოთა
დამაარსებელო და მას შინა შეკრებულთა უძლურთა
და სნეულთა ნუგეშისმცემელო;

გიხაროდენ, ყოველთა ქართველთ ზნეობათა
აღმამაღლებელო;

გიხაროდენ, ცოდვითა ქვე-დაკვეთებულთა
აღმმართველო და უნანელთა მარცხვენელო;

გიხაროდენ, ზრახვათა უღმრთოთასა მავალთა
შემაფერხებელო;

გიხაროდენ, მახზლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 7

დაამზდე რად ქუეყანად, ვითარცა რჩეულმან
ღმრთისამან, წმიდამან და საყუარელმან, იწყე შენებად

გელათის მონასტრისა და დაასუენე რად ხახულითგან მოღებული ხატი ღმრთისმშობლისად, შეკრიბნე მუნ ღმრთივგანბრძნობილნი მამანი და მეცნიერნი მოძღურად სწავლულებისად, და სასწავლოდ ყოვლისა კეთილისა, გარნა აწ მტერნი იგი ჭეშმარიტებისანი ილუწიან, რადთა ერი შენი შთასთხინნეს უფსკრულსა უმეცრებისასა და გარდასახნეს ერად ბნელისა, ხოლო ჩუენ ძილის დაქსნილებასა მივცემივართ და ვერცალა ძალგვიძს წინააღმდგომად ბოროტისა, არამედ მოწყალე-ჰყავ ჩუენ ზედა მართლ-მსაჯული იგი უფალი, რადთა განვსძლიერდეთ და განვცხოველდეთ სულითა და ჯორციითა და კურთხეულითა ენითა ქართულითა ღირს-ვიქმნეთ გალობად ღმრთისა: ალილუია.

იკოსი 7

ეჰა, მადლი და სიბრძნე, რომელი მოგეცა ღმრთისა მიერ, მეფეო დავით, რამეთუ გამოიყვანე სჰაჲ ყივჩაყთაჲ სიმცირისათჳს ლაშქრისა შენისა, და მოიმტკიცე რად ფიცითა ერთგულობისაჲთა, მოსრნე ურიცხუნი თურქნი თანა-დგომითა მათითა, ხოლო განიზრახეს რად ღალატი, ქრისტემან - კლდემან სიმტკიცისამან დაგიფარა საკვრველად, რამეთუ ცან ზაკუვაჲ მათი და განერე, ვითარცა ფსალმუნთ-მგალობელი დავით ჳელთაგან ორგულთასა, ეგრეთვე

აწ ჩუენცა გარემოცულნი მრავალთა მტერთა და განსაცდელთა მიერ ვითხოვთ შენ მიერ შეწევნასა, რადთა მამობრივსა საფარველსა ქუეშე შენსა დაცულნი გმადლობდეთ და გაქებდეთ წადიერად:

გიხაროდენ, საჩინოო მნათობო ფრიად შუენიერო, ერისა შენისა განმანათლებელო;

გიხაროდენ, სოლომონისებრ საღმრთოდასა ტაძრისა აღმგებელო და გელათის აკადემიისა „სხუად ათინად“, და „მეორე იერუსალჴმად“

გამომაჩინებელო;

გიხაროდენ, დიდთა მნათობთა ეკლესიისათა და სულითა ღმრთისადათა განათლებულთა მონაზონთა მუნ შემკრებელო;

გიხაროდენ, ჭეშმარიტებისა მეძიებელთა გზასა მას უფლისასა წარმმართველო;

გიხაროდენ, მონასტერთა და ხუცესთა ყოვლისაგან ჭირისა და ბეგარისაგან განმათავისუფლებელო;

გიხაროდენ, სიბრძნისა განმფენელო და სულთა მარგებელთა სწავლათა განმამრავლებელო;

გიხაროდენ, საზეპუროდასა ერისა შენისა ღმრთისმეცნიერებითა განმაცისკრებელო;

გიხაროდენ, ღმრთისმგმობთა სწავლებათა და ყოველთა წვალებათა განმაქარვებელო;

გიხაროდენ, წარმართთაგან შეგინებულთა ეკლესიათა სახლად ღმრთისა განმწმედელო;

გიხაროდენ, მძლავრთა კაცთ-მოძულეთა მთავართა
და მსაჯულთა მამხილებელო;
გიხაროდენ, მათ მიერ უსამართლოდ დევნულთა
მეფობრივითა მოწყალებითა განმკითხველო;
გიხაროდენ, მახვლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 8

გამოზრდიდი რაჲ ღმრთისმოყუარესა ძესა შენსა
დემეტრესა, ძალითა და მკნეობითა მსგავსსა შენსა,
მეფედ დაადგინე და მკლავითა ლომებრივითა ქმენით
რაჲ ბრძოლანი საკვრველნი, ერთობითა მოსრვიდით
ყოველთა მხდომთა და მაჭირვებელთა ერისათა,
ხოლო ძლევამოსილებაჲ თქუენი ესმა რაჲ სულტანსა,
შურისძიებად აღიძრა და უბრძანა ყოველსა
ისმაიტელსა, მკედრობად შემძლებელსა, სრულიად
აღსპობად საქართველოდსა, გარნა შენ არა მიენდე
ძალსა შენსა, არამედ შეწევნად ხადოდი უფალსა იესუ
ქრისტესა და აქებდი ძლიერებასა მისსა: ალილუია.

იკოსი 8

ოდეს მძვნვარენი იგი მტერნი, ვითარცა ქვიშად
ზღვსად მოიწიეს თრიალეთსა და მანგლისსა, იწყეს
ოხრებაჲ და ხოცად ქრისტეანეთა, ხოლო შენ, უშიშმან,
ვითარცა უჯორცომან შეიმოსე ძალი ღმრთისაჲ,

ვითარცა ჯაჭვ-ჭური, და განამკნობდი რად ლაშქარსა
იესუს სახელითა, ახოვნად ეკვეთეთ წინამძღურობითა
ჯუარისა მისისადთა და უმრავლესსა მათსა
მოსწყვედდით დიდგორსა, ეჰა, შეწვენად საღმრთოდ
ნებისმყოფელთა მისთა, რამეთუ შიში და ძრწოლად
დაეცა უსჯულოთა, ხედვიდეს რად დიდსა მოწამესა
გიორგის მბრძოლსა მარჯვენით შენსა, ხოლო
მკედართა შენთა ღალადყვეს: „წმიდად გიორგი
ჩუენთან არს!..“ და ყოველნი მადლსა და დიდებასა
მისცემდით ღმერთსა, აწცა მოგვკსენე წინაშე მისსა,
ვიდრე აღსრულებადმდე საუკუნეთაჲსა დაიცვას
ივერიაჲ და ერი ივერიისაჲ, რადთა სიყუარულითა და
მშჳდობით ვცხონდებოდეთ და გნატრიდეთ
სარწმუნოებითა:

გიხაროდენ, ახოვანო მკედარო უფლისაო, მბრძოლთა
მისთა ზარგანმხდელო;

გიხაროდენ, სასოებითა ღმრთისადთა უწყალოთა მათ
მტერთა ზედა უფლის რისხვისა მომწევნელო;

გიხაროდენ, ქრისტეს სახელის სადიდებლად
განლალეებულთა მათ უსჯულოთა მაოტებელო;

გიხაროდენ, სიბრძნითა საღმრთოდთა მამულისა
შენისა ყოველთაგან უცხო ტომთა დამფარველო;

გიხაროდენ, ახოვანითა მეფობითა ქუეგამხედველთა
და მოშურნეთა დამამდაბლებელო;

გიხაროდენ, ივერიელთა მტერობისთვის ყოველთა

შემაძრწუნებელი და დამამჯობელი;
გიხაროდენ, ცხადთა წინააღმდეგომთა და ფარულად
მზაკველთა არცალა შემნდობელი;
გიხაროდენ, საღმრთოთმსა ძლიერებისა ყოველთათჳს
საჩინო-მყოფელი;
გიხაროდენ, წმიდისა ქალაქისა იერუსალჳმისა
მოსალოდებელისა აოხრებისაგან დამკსნელი;
გიხაროდენ, სამეფოთსა შენისა დამამშუდებელი და
დაქცეულთა დაბა-ქალაქთა და ციხეთა
აღმმართებელი;
გიხაროდენ, ეკლესიათა შეურაცხმყოფელთა და
მართალთა მკულელთა აღმხოცველი;
გიხაროდენ, გორგასლიანურისა დროშისა უფროდს
აღმამაღლებელი;
გიხაროდენ, მახზლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 9

ძლევად ეგე საკვრველი განხდა რად ქუეყანასა ზედა,
ძალმოსილებაჲ შენი საღმრთოჲ და სიბრძნჳ
გულისწმაყვეს ყოველთა მეფეთა და ერთა, ხოლო შენ
პოვე რად ჟამი საწადელი, სრულ-ყავ კეთილი
განზრახვაჲ შენი, და აღილე ტფილის-ქალაქი, ოთხას
წელ ქონებული აგარიანთა, რომელნი ყოფდეს
ყოველსა საქმესა მას ბოროტსა ერსა ჩუენსა ზედა, და

დაამდაბლე იგინი ქუეშე ფერხთა ქრისტეანეთასა, ვინაძცა იხარებდეს და შეგასხმიდეს ქებასა და ადიდებდეს ღმერთსა: ალილუია.

იკოსი 9

აღიღეს რად თურქთა სამეუფოდ ქალაქი სომხეთისა, ვედრებითა მოგწერეს მკვდრთა მისთა, რადთა ივსნე იგინი წარწყმედისაგან, ხოლო შენ მსწრაფლ წარემართე და უჭირველად აღიღე რად ანისი და ციხენი მისნი, შემუსრნეთ, ვინაძცა სისხლითა ქრისტეანეთასა მორწყეს ტაძარი ღმრთისაჲ, რომელი იგი აღეშენა დედოფალსა - კატრონიტე ბერძენსა, და კურთხევად მიხუედ რად მიზგითად ქმნილსა საყდარსა სამღდელოთა თანა, წესი აუგეს დედოფალსა, და სამ-გზის ჩასძახე საფლავსა: „გიხაროდენ, წმიდაო დედოფალო, რამეთუ ივსნა ღმერთმან საყდარი შენი უსჯულოთა კელთაგან“, და აჰა, მეყსეულად ჳმად გამოსცა სამარემან: „დიდებაჲ უფალსა“; და გულისჳმა-ყვეს ყოველთა, რამეთუ საკვრველ-გყო წმიდაჲ თვისი უფალმან, მას ევედრე აწ, ღირსო, რადთა კადნიერებაჲ მათი შეჰმუსრნეს, რომელნი უღმრთოებით აღჭურვილ არიან მართლმორწმუნეთა ზედა, და განჳსნაჲ მრავალთაგან ცოდვათა გვთხოვე შემსხმელთა შენთა და მაქებელთა:

გიხაროდენ, ღმრთივგზრგზნოსანო მეფეო, საქმითა და
სიმჴნითა მძლედ გამოჩინებულო;
გიხაროდენ, მტერთა ბოროტისა ზრახვისა და
მზაკუვარებისა განმაქარვებელო;
გიხაროდენ, თურქ-სელჩუკთა დაუცხრომელთა
შემოსევათა აღმკვეთელო;
გიხაროდენ, მომხვეჭელთა და ანგართა დამაოკებელო;
გიხაროდენ, ღმრთისმბრძოლთა და
ქართველთმოდულებთა სარკინოზთა
დამამდაბლებელო;
გიხაროდენ, ტფილის-ქალაქისა კუალად სამეუფეოდ
ქალაქად დამდგენელო;
გიხაროდენ, საფარველითა მადლთა შენთაძთა დედა-
ქალაქისა ამის ჩუენისა მცველო და მფარველო;
გიხაროდენ, წარმართთა შვილად წმიდისა ემბაზისად
მომყვანებელო და კეთილ-მორწმუნებასა ზედა
დამამტკიცებელო;
გიხაროდენ, მონოფიზიტთა მათ მწვალებელთა
სომეხთა ეპისკოპოსთა და წინამძღურთა მათთა
საღმრთისმეტყველოთა პაექრობათა შინა ცხადად
მძლეველო;
გიხაროდენ, დიდთა მათ მოძღუართა მსგავსად
ტერტერთა და მოლათა საღმრთისმეტყველოძთა
მეცნიერებითა მარცხვენელო და უღონო-მყოფელო;
გიხაროდენ, ახოვანითა მით მღვიძარებითა

დაკნინებულისა ერისა შენისა განმაცხოველებელო;
გიხაროდენ, მძლეთა-მძლეო და გულ-მოწყალო,
მეფობისა კუერთხისა, ესე-ოდენ დამდაბლებულისა
ფრიად აღმამაღლებელო;
გიხაროდენ, მახვლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 10

ძალითა ღმრთისაჲთა მყის აღისრბოლე, ვითარცა
არწივმან, და აღიხუნე რაჲ ყოველნი ციხენი
სომხითისანი, განათავისუფლე შენ ლორე-ტაშირი,
კოლა-ჯავახეთი, და კარნიფორა ბასიანიტურთ
მტერთაგან და განმარჯვებული მიხვედ რაჲ
თრიალეთსა, მმადლობელი ესე-ოდენთა
ზეგარდამოთა წყალობათა და ძლევათათჳს, სამწმიდა
არსობისა გალობითა ადიდებდი და ოსანასა
ძლევისასა უგალობდი ღმერთსა: ალილუია.

იკოსი 10

მრავალთა წელთა კეთილად განაგებდი ერსა შენსა,
და ნიკოფსიითგან დარუბანდამდე განავრცობდი
საზღვართა სამეფოჲსა შენისათა, გარნა უსაკვრველეს
არს ესე, მეფეო, თუ ვითარ დაუცხრომელთა
მიმოსლვათა შინა და ლაშქრობათა თავს-იდეჲ
მოგებაჲ სიბრძნისაჲ და მარადის მოსწრაფე იყავ,

რადთა ყოველივე სწავლად სრულებითა შემოიკრიბნე
თავსა შინა თვსსა, ხოლო ქადაგებდი რად
საკვრველად, განანათლებდი არა ხოლო თუ
ქუეშევრდომთა შენთა, არამედ ვიდრე აქამომდე
განგუსწავლი ჩუენცა, უდებთა და ივერიელად
წოდებისაცა უღირსთა, რადთა მარადის ვილუწიდეთ
სჯულისათვს და მამულისა, და გნატრიდეთ შენ -
ღმრთივ-კურთხეულსა მეფესა და ჭემმარიტსა მამასა
ერისა ჩუენისასა:

გიხაროდენ, სჯულიერად სრულქმნილო, პავლწსა და
დიდისა კონსტანტინწს მსგავსად მოციქულობისა
მადლისა მიმღებელო;

გიხაროდენ, საწუთოდსა სამეფოდსა სიბრძნითა
განმგებელო და სამეფოდსა შენისა საკვრველად
განმავრცობელო;

გიხაროდენ, ყოველთა ერთა ზედა ქრისტეანეთასა
მოწევნულისა მის ძნელბედობისა დამაცხრობელო და
დიდთა თურქობათაგან დამჯსნელო;

გიხაროდენ, ბორგნეულთა შემაბრკოლებელო და
გრძნეულთა უგულისჯმოებისა დამშრეტელო;

გიხაროდენ, მართლმორწმუნეთა საჭურველო და
აღბორგებულთა ღმრთისმოძულეთა მძლეველო;

გიხაროდენ, უსასობასა შინა მყოფთა ქრისტეანეთა
ნუგეშინისმცემელო და მწყალობელო;

გიხაროდენ, განწირულთა შესავედრებელო და შემწეო

ურცხვენელო;

გიხაროდენ, მონაზონთა ნუგეშო და სულთა
მავნებელთა სწავლებათა დამამდაბლებელო;

გიხაროდენ, იყალთოს აკადემიისა დამაარსებელო;

გიხაროდენ, საღმრთისმეტყველოთა სწავლათა თანა
მრავალთა ხელობათა შინა ჭაბუკთა მუნ

განმსწავლელო;

გიხაროდენ, სიბრძნითა და მკნეობითა ქართველთა
შორის სულიერისა ცხორებისა აღმაორძინებელო:

გიხაროდენ, ერისა შენისა ღირსებისა და დიდებისა
აღმამაღლებელო;

გიხაროდენ, მახვლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 11

ეჰა, საკვრველებათა ღმრთისათა, რომელი იცავს
მადიდებელთა მისთა, რამეთუ შემოგტყორცნეს რად
ისარი პერანგითა მოსილსა, მშვიდობით განგარინა,
ჰკრეს რად მცირესა მას ხატსა მთავარანგელოზისასა,
რომელი გეკიდა ყელსა, ხოლო მუხნარსა წარგექცა რად
ცხენი დევნასა შინა ნადირთასა, სამსა მას დღესა
უძრავად მყოფი, ვითარცა უსულოდ, აღგადგინა რად
ქრისტემან ღმერთმან, აღსავსე მადლიერებითა არა
დადუმნებოდი ლოცვად და გალობად მისა:

აღილუია.

იკოსი 11

დასნეულდი რაჲ, სამ-გზის სანატრელო, განაგე
ყოვლით-ვე სარგებელი სულისა თვისისაჲ, და
აკურთხევდი რაჲ სამწყსოსა შენსა, შეჰვედრე
პატიოსანი სული შენი უფალსა, და მიიცვალე რაჲ
საყოფელთა შინა ზეცისათა, მაშინ უკუე ტკივილისა
ცრემლითა აღივსნეს ყოველნი და ღუაწლმრავალი
ნეშტი შენი დაკრძალეს გელათის კარიბჭესა
ანდერძისაებრ შენისა, რადთა არცალა ერთი
მომლოცველი სავანისაჲ განერეს თჳნიერ შენმიერისა
კურთხევისა და ღაღადყოს სამადლობელი ესე
ქებისაჲ:

გიხაროდენ, სკიპტრისმჰყრობელთა შორის
უსაჩინოესო, რამეთუ ძემან ღმრთისამან დაგადგინა
რაჲ მფლობელად ქუეყანისა ჩუენისა, განამტკიცე
მეუფებაჲ მისი ივერიას;

გიხაროდენ, საღმრთოსა სიბრძნესა ზიარებულო,
რამეთუ ზეცისა სუფევისა მჰურვალედ სურვილითა
მსახურე მეუფესა და ღმერთსა ყოველთასა;

გიხაროდენ, რისხვისა ღმრთისა დამაყენებელო,
რამეთუ მიუდრეკელ ხვდოდი საშუალ, გზასა მას
სამეუფოსა, და წარმართე ერნი მცნებათა მიმართ
საღმრთოთა;

გიხაროდენ, კაცო ღმრთისაო და კეთილ-მონაო

სახიერო და სარწმუნო, რომელმან განიოტე ცოდვისა
ბნელი და განანათლე სავსებაჲ ქრისტჳს მორწმუნეთა;
გიხაროდენ, მადლითა მძლეველობისაჲთა შემოსილო,
რამეთუ მკლავითა ლომებრივითა ქმენ ბრძოლანი
საკვრველნი და სირცხვლეულ-ყვენ ყოველნი მტერნი
ღმრთისანი;

გიხაროდენ, ახოვანო სულითა და უახოვნესო
გონებითაო, რამეთუ ყოველსა შინა ძალი ზეგარდამოდ
გფარვიდა მტერთა შენთაგან, და არ-ცა ოდეს მიგცა
შენ ჯელთა მათთა;

გიხაროდენ, მხედარო უძლეველო წყობათა შინა
ურიცხუთა უღმრთოთასა, რამეთუ ვერა გკვეთდა შენ
მახვლი, ვითარცა კლდესა სიჰსა და ვითარცა
გოდოლი მტკიცჳ, დეგ შენ უძრავად;

გიხაროდენ, ხატო სულიერისა სრულებისაო, რამეთუ
სივერაგემან მტერთამან და ბრძოლათა სიფიცხლემან
ვერცა-ლა წარგტაცეს ღმობიერებაჲ გულისაჲ;

გიხაროდენ, სწორუპოვარო, რამეთუ გეუწყნეს რაჲ
უფლისაგან საიდუმლონი დაფარულნი, იქმენ ფრიად
საზარელ მტერთა და მრისხანე ბოროტისმოქმედთა
ზედა;

გიხაროდენ, მრავალ-მოწყალეო, რამეთუ აღუშენე
ეკლესიაჲ მამათა შიო-მღვმისა ლავრისათა
ერთგულებისათჳს მათისა და მიანიჭებდი რაჲ
საკუთრივ თვთმფლობელობასა და დიდსა საუნჯესა,

შეაჩვენებდი სავანის მის ჯელმყოფელთა;
გიხაროდენ, მამულისა და სჯულისათჳს
თავდადებულთა მათ წინაპართა შეერთებულთ,
რამეთუ წარხვედ რად წინაშე მსაჯულისა, მისისაებრ
განმგებელი მეფობისა, განგებუნეს შენ ბჭენი
ზეცისანი და შეხუედ სიხარულსა უფლისა შენისა
სახიერისასა;

გიხაროდენ, დიდებაო საყდართაო და
თვთმპყრობელო, რამეთუ საფლავი შენი მოგვიგიეს
ძლიერებად და საკრველად სიმტკიცისად და
ვიქადით, ვითარცა მქონებელი საუნჯისა,
უშურველად აღმოაცენებს რად მადლსა ჭემმარიტსა;
გიხაროდენ, მახვლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 12

შემდგომად სიკუდილისა შენისა მაუწყებელ-არს
მოლუაწებათა დიდებული გელათი და ჳმა მალლად
ჳქადაგებს შიო-მღვიმე ლოცვათათჳს შენთა
მჯურვალეთა, ხოლო ჩუენ მოვიჳსენებთ რად
ლუაწლთა შენთა, ურიცხუთა და საკრველთა,
გულსმოდგინედ მოვისწრაფვთ გელათისა
მონასტერსა, სადა იგი გუაქუს ყოვლად პატიოსანი
სამარხოდ შენი, გამომხატველი შენისა
გამოუთქმელისა სიყუარულისა, და

მუკლთმოდრეკით შევრდომილნი შევსწირავთ შენდა ვედრებასა: ყოველთა წვალებათაგან დაგვფარენ ჩუენ შუამდგომელობითა შენითა და მოგუანიჭენ ცხორებისა სიწმიდჳ და შიში ღმრთისაჲ, რაჲთა არცალა განმცემელ ვექმნეთ სიქადულსა ჩუენსა მართლმადიდებლობასა და ვაქებდეთ ღმერთსა სულითა და ჭეშმარიტებითა: ალილუია.

იკოსი 12

განთქმულ იქმენ სიბრძნითა და აღმშენებლობითა, და ბაგრატოვანთა სახლი აღავსე მადლითა და დიდებითა, ხოლო ჩუენ გვიანდერძე სიყუარული ღმრთისაჲ და მოყუასისაჲ, და გვიჩუენე გზაჲ მამულის სამსახურისაჲ, გარნა შემდგომად სიკუდილისა გაქუს მადლი წინაშე ღმრთისა, დანერგოს ჩუენ შორის შიში და მოძაგებაჲ ცოდვისაჲ და სიყუარული სათნოებისაჲ, რაჲთა არა მივიდრიკოთ უსჯულოებისადმი, არამედ გულისკმავჳყოთ სამართალი და მსჯავრი ღმრთისა და ღირს ვიქმნეთ შეწირვად შენდა გალობისა:

გიხაროდენ, ძლევისა ბრწყინვალეო აღმადგინებელო სახელისათჳს ქრისტჳსისა, რომლისა მიერ გერწმუნა საყდარი დავითისი და ბექედი სოლომონისა; გიხაროდენ, თარგამოსიანთა მეფედ და წინამძღუარად წოდებულო, რომელი იდიდე,

ვითარცა მკედარი რჩეული, და გზგზნოსან იქმენ,
ვითარცა მეფს კეთილმსახური;

გიხროდენ, ვაჟკაცობისა ძეგლო უმუსრველო,
რამეთუ სიმნს შენი და ღირსებად არა ხოლო თუ
საქართველოსა ოდენ განითქუა, არამედ ყოველსა
ქუეყანასა;

გიხროდენ, სპარაზენობაო ახოვანთა მათ მკედართაო,
რამეთუ ღუაწლთა მიერ ჰპოვე საშუებელი უხრწნელი
და სიმნისა მიერ გზგზნი ძლევისად;

გიხროდენ, მადლითა სულისადთა მღვძარეო,
რამეთუ გარდაემატა მრავალთა მეფეთა ღუაწლთა
საქმეთა შენტა ჭემმარიტებით საქებელობად;

გიხროდენ, მწყემსო კეთილო, რამეთუ გელათი და
შიო-მღვიმე გვაქუს სიმტკიცედ და სიქადულად შენტა
სამწყსოთა, ჭემმარიტთა ქრისტეანეთა;

გიხროდენ, ყოვლადბრწყინვალეო ნათელო,
მეფობისა ვარსკულავო მიუწვდომელო, რომელი
უფროდს მზისთუალისა განანათლებ ქუეყანასა ჩუენსა
და სამარხით შენით ჰქადაგებ ქრისტესა ღმერთსა;

გიხროდენ, ორითა გზგზნითა პატივცემულო,
მეფობისა და მოღუაწებისა, რამეთუ სკიპტრად შენი
თვით-მპყრობელობისად გვვის ჩუენ ზღუდედ
უბრძოლველად;

გიხროდენ, ღუაწლსა შინა სახელოვანო, რამეთუ
სასოდ, სიმტკიცედ და სიქადულად წმიდად და

პატიოსანი ხატი შენი მოგვიგიეს და მოქენე ვართ
შეწევნისა შენისა;

გიხაროდენ, ზ, მეფეო საკვრველო, რამეთუ იხარებს
ივერთა ეკლესიად და ჰმადლობს ღმერთსა შენთჳს,
რამეთუ მოენიჭე სიმტკიცედ მართლმადიდებლობისა
ერსა ჩუენსა და ძაღვიძს შეწევნად ყოველთაჲ,
რომელნი მოივლტიან მეოხებასა შენსა;

გიხაროდენ, უტკბესო მამისაო, რამეთუ არცალა
დაგივიწყებთ შენ მარადის მომჯსენებელნი სიმჳნისა
შენისა და უძლეველისა მის მეფობისა;

გიხაროდენ, კეთილად მსახურო და ღმრთივ-დაცულო
მეფეო აფხაზთა და ქართველთა, რანთა, კახთა და
სომეხთაო, რამეთუ იშუებენ ქრისტჳს მორწმუნენი და
ჰნატრიან შენსა მას დიდებულებასა;

გიხაროდენ, მახზლო მესიისაო და ხატო ქართველთა
ძლევამოსილებისაო, კეთილმსახურო მეფეო დავით!

კონდაკი 13

ზ, მეფეთა შორის უფროდს მჳნეო და უძლეველო,
წმიდაო დავით აღმაშენებელო! შეიწირე აწ ქებაჲ
მადიდებელთა შენთაჲ, და ნუ მოიჯსენებ ძვირთა
ჩუენთა, არამედ შეგვეწიენ მჳურვალითა
შუამდგომელობითა წინაშე ღმრთისა, შეიწყალნეს ერი
ესე ჩუენი, და უვნებელად დაგვიცვნეს ყოვლისაგან
ჭირისა და მონებისაგან სულთა წარმწყმედელისა

საცთურისა, რადთა წყალობისა წილ არა მოვიდოთ
სასჯელი კადნიერებისად, არამედ ვიდრე უკანასკნელ
აღმოფშვინვადმდე ვსდგეთ მტკიცედ და შეურყევლად
გზასა მას ჭეშმარიტებისასა, და საუკუნოდსა
სატანჯუელთაგან გამოჯსნილნი მარადის შენ თანა
ვადიდებდეთ და ვაკურთხევდეთ სამებასა
ერთარსებასა, დამზადებელსა ღმერთსა დაუსაბამოსა:
აღილუია.

ეს კონდაკი 3-გზის; შემდგომ იკოსი 1 და კონდაკი 1

